



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԱՌՈՂՋԱԿԱՆՈՒԹՅԱՆ ՆԱԽԱՐԱՐՈՒԹՅՈՒՆ
ԳԼԽԱՎՈՐ ՔԱՐՏՈՒՂԱՐ

21.05.24 № 2/9/06.3/15014-24
Ձեռք N _____

«ԱԳԱՍՏ» ՍՊԸ-Ի ՏՆՕՐԵՆ ԳՈՀԱՐ ՄՈՒՐԱԴՅԱՆԻՆ

ՀՎՀՀ 00435781

Հասցե՝ ք. Երևան, Տ. Պետրոսյան 31/1

Հեռ. +374 91 54 51 95

Էլ. հասցեն՝ agastllc@mail.ru

Ծանուցում

Պայմանագիրը միակողմանի լուծելու մասին

Հարգելի տիկին Մուրադյան,

Առողջապահության նախարարության և «Ագաստ» ՍՊԸ-ի (այսուհետ՝ Ընկերություն) միջև 22.02.2024թ. կնքվել է «ՀՀ ԱՆ ԷԱՃԱՊՁԲ-2024/12-1» պայմանագիրը (այսուհետ՝ Պայմանագիր)՝ 15,003,600 (տասնհինգ միլիոն երեք հազար վեց հարյուր) ՀՀ դրամ ընդհանուր արժեքով՝ «Գնումների մասին» ՀՀ օրենքի 15-րդ հոդվածի 6-րդ մասի հիման վրա:

Համապատասխան ֆինանսական միջոցներ նախատեսվելուց հետո, 19.03.2024թ. կողմերի միջև կնքված թիվ 1 Համաձայնագրով սահմանվել է, որ ապրանքը (տուբերկուլին, սպիտակուցային գտված ածանցյալ) 3,000 հատ քանակով պետք է մատակարարվի համաձայնագիրը կնքելուց հետո 20 օրացուցային օրերի ընթացքում՝ մինչև 08.04.2024թ.:

Պայմանագրի 2.1.1 կետով սահմանված է, որ գնորդը իրավունք ունի «Ապրանքը պայմանագրով սահմանված ժամկետում Վաճառողի կողմից չմատակարարելու



Առողջապահության
Նախարարություն
Ministry of Health of the Republic of Armenia

Հայաստանի Հանրապետություն, ք. Երևան, 0010, Հանրապետության հր., Կառավարական տուն 3
Հեռ.՝ (+ 374 60) 80 80 03 Էլ. փոստ՝ info@moh.am

դեպքում հրաժարվել ապրանքից, եթե մատակարարման ժամկետները խախտվել են 10 օրից ավելի», ինչպես նաև Պայմանագրի 2.1.7 կետով՝ գնորդը իրավունք ունի «Միակողմանի լուծել պայմանագիրը (լրիվ կամ մասնակի), եթե Վաճառողն էականորեն խախտել է պայմանագիրը: Պայմանագրի 2.1.7.1 կետի բ) պարբերությամբ սահմանված է, որ պայմանագրի խախտելն էական է համարվում, եթե ապրանքի մատակարարման ժամկետները խախտվել են 10 օրից ավելի:

Ելնելով վերոգրյալից, գնման գործընթացի պատասխանատու ստորաբաժանում հանդիսացող՝ Առողջապահության նախարարության «Թոքաբանության ազգային կենտրոն» ՓԲԸ-ի 20.05.2024թ. թիվ 274 գրությամբ ներկայացված հավաստմամբ (կցվում է) վերջինս 11.04.2024թ. դիմել է Ընկերությանը հայտնելով, որ անհրաժեշտ է մինչև 18.04.2024թ. մատակարարել համաձայնագրով նախատեսված քանակը, այլապես պայմանագիրը միակողմանի կլուծվի, սակայն մինչ օրս ոչ մի պատասխան չի ստացվել:

ՀՀ քաղաքացիական օրենսգրքի (այսուհետ՝ Օրենսգրք) 408-րդ հոդվածի համաձայն՝ պարտավորության խախտում է համարվում այն չկատարելը կամ անպատշաճ (կետանցով, ապրանքների, աշխատանքների և ծառայությունների թերություններով կամ պարտավորության բովանդակությամբ որոշվող այլ պայմանների խախտմամբ) կատարելը: Օրենսգրքի 466-րդ հոդվածի 3-րդ մասի համաձայն՝ պայմանագիրը լրիվ կամ մասնակի կատարելուց միակողմանի հրաժարվելու դեպքում, երբ պայմանագրից հրաժարվելը թույլատրվում է օրենքով կամ կողմերի համաձայնությամբ, պայմանագիրը համապատասխանաբար համարվում է լուծված կամ փոփոխված:

Տեղեկացնում են, որ Ընկերությունը պարտավոր է սույն ծանուցումը ստանալուց հետո 5 (հինգ) բանկային օրվա ընթացքում ՀՀ ֆինանսների նախարարության կողմից բացված գանձապետական **900005028106** հաշվեհամարին փոխանցել 114,572.64 (մեկ հարյուր տասնչորս հազար հինգ հարյուր յոթանասուններկու դրամ, 64 լումա) ՀՀ դրամ՝ որպես տույժ (Պայմանագրի 6.2 կետի համաձայն), որը հաշվարկված է մինչև 20.05.2024թ. (ապրանքի մատակարարման ուշացում 28 աշխատանքային օր):

Հաշվի առնելով այն հանգամանքը, որ Ընկերությունը խախտել է պայմանագրով ստանձնած պարտավորությունները, և հիմք ընդունելով Առողջապահության

նախարարության «Թոքաբանության ազգային կենտրոն» ՓԲԸ-ի Պայմանագիրը միակողմանի լուծելու առաջարկը, Առողջապահության նախարարությունը՝ ղեկավարվելով վերը նշված իրավական հիմքերով, միակողմանի հրաժարվում է 22.02.2024թ. կնքված «ՀՀ ԱՆ ԷԱԾԱՊՁԲ-2024/12-1» պետության կարիքների համար ապրանքի մատակարարման պայմանագրից՝ համարելով այն մասնակիորեն լուծված:

«Գնումների մասին» ՀՀ օրենքի 6-րդ հոդվածի 1-ին մասի 6-րդ կետի համաձայն՝ մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը և մասնակիցը հրավերով և (կամ) պայմանագրով սահմանված ժամկետում չի վճարել հայտի, պայմանագրի և (կամ) որակավորման ապահովման գումարները:

ՀՀ-ի առնելով վերոգրյալը, տեղեկացնում եմ՝ Պայմանագրի միակողմանի լուծման արդյունքում պայմանագրի կատարման ապահովման գումարը կազմում է 818,400 (ութ հարյուր տասնութ հազար չորս հարյուր) ՀՀ դրամ, որն անհրաժեշտ է վճարել ՀՀ ֆինանսների նախարարության կողմից բացված գանձապետական **900005000758** հաշվեհամարին և որակավորման ապահովման գումարը կազմում է 1,227,600 (մեկ միլիոն երկու հարյուր քսանյոթ հազար վեց հարյուր) ՀՀ դրամ, որն անհրաժեշտ է վճարել ՀՀ ֆինանսների նախարարության կողմից բացված գանձապետական **900008000664** հաշվեհամարին:

Միաժամանակ տեղեկացնում եմ, եթե մինչև 2024 թվականի մայիսի 31-ը ներառյալ Ձեր կողմից վճարվի վերը նշված 818,400 (ութ հարյուր տասնութ հազար չորս հարյուր) ՀՀ դրամ՝ պայմանագրի կատարման ապահովման և 1,227,600 (մեկ միլիոն երկու հարյուր քսանյոթ հազար վեց հարյուր) ՀՀ դրամ՝ որակավորման ապահովման գումարները, ապա Ընկերությունը չի ներառվի գնումների գործընթացին մասնակցելու իրավունք չունեցող մասնակիցների ցուցակում: Նշված բոլոր գումարները անհրաժեշտ է վճարել Կենտրոնական գանձապետարանում լիազորված մարմնի անվամբ բացված վերը նշված գանձապետական հաշիվներին և վճարման հանձնարարականների բնօրինակները մինչև 2024 թվականի մայիսի 31-ը ներառյալ ներկայացնել Առողջապահության նախարարության

Ֆինանսատնտեսագիտական վարչության գնումների համակարգման բաժին (209 սենյակ):

ՀԱՐԳԱՆՔՈՎ՝

ՎԱՐԴԱՆՈՒՇ ԳՐԻԳՈՐՅԱՆ

05.05.2024



ՈՐՐԵՆԻ ՎԱՐԴԱՆՈՒՇ

Signed by: GRIGORYAN VARDANUSH 6802780100

Կատարող՝ Հասմիկ Սարգսյան
ՀՀ ԱՆ Ֆինանսատնտեսագիտական վարչություն
հեռ. 060-80-80-03/1804